

E Swing Di Carnaval

ELECCION REINA DI COASTAL CLUB

Considera e evento mas grandi di Aruba su carnaval

Pa Diadomingo awor ta prepara e eleccion final pa Reina di Coastal Club 1999. Mirando e entusiasmo y e premionan cu ta involvi, entre otro un auto, den e evento aki por bisa cu e ta worde considera como un di e eventonan mas grandi di Carnaval e aña aki.

Si mira con yen Tropicana Showroom tabata siman pasa ora cu tabata tin e eleccion di Best Costume y Best Speech, por bisa cu sigur Diadomingo awor Nanki Club lo ta completamente yena di expectadornan pa presencia e eleccion final aki.

Un stage grandisimo a worde prepara cu ta na encargo di Alvin, Greta y Crew cu ya por bisa caba cu nan ta haciendo un magnifico trabao si mira e stage cu ya ta den su toquen final di decoracion.

Pa e opening act segun nos por a compronde lo tin un sorpresa grandi prepara, mientras cu e candidatanan mes ta totalmente prepara pa nan duna nan maximo presentacion na e eleccion aki.

Lo tin actuacion especial di Debbie Werleman cu lo canta e Himno Nacional, DTU 365 y BMW y tambe nos Prins cu Pancho di Carnaval, mientras cu Menan pa e anochi aki ta den man di Ruben Scorpio Garcia y Geraldine Muller. Entrada pa e anochi aki ta Afls. 15,-.

Pa e eleccion final aki lo eligi 4 runner-up mas e reina di Coastal Club cu lo wordo corona pa Nelson English. Lo escoge tambe Best Dress, Best Show, Miss Fotogenica y Miss Popular. Despues di e eleccion aki lo sigui cu e coronation Ball den e VIP Section acompaña pa dos banda popular cu ta Quasi y Dream y ta costa

solamente 30 florin pa entrada.

Tur premio lo worde entrega dia 15 di Februari durante un acostumbrado get-together cu e candidatanan y tambe e participantenan di Coastal Club y esaki lo tuma lugar na Nanki Country Club.



IRIS ROBERT



ZAIRA VROLIJK



LILA CROES



ESTHER V.D. LINDEN



CAROLINA ALBERTSZ




JOURAINE VROLIJK



MIJOLI RAS



LOUISETTE VLINDER



EMMA TEN HOUTEN



LIZAYRA POLAK



OMIRA RAS



PAMELA MADURO



DARLENE GIEL



JOLINA CROES



SCARLET HASSEL